



Universiteit van Pretoria Jaarboek 2017

PhD Jeugbediening (06265072)

Duur van studie 2 jaar

Totale krediete 360

Programinligting

Die programlyn wat met die drie jaar BTh (voorheen BA ([Teologie]) begin en via BThHons, voorheen BAHons ([Teologie]) en MTh (voorheen MA [Teologie]) vorder, en die programlyn wat met die vier jaar BDiv (voorheen die vier jaar BTh) begin en via die een jaar MDiv of MTh vorder, vind sy afsluiting in PhD. Die uitkoms van 'n PhD is hoogs gespesialiseerde, navorsingsgebaseerde kundigheid.

Sien ook Algemene Regulasies soos van toepassing op doktorale programme.

Toelatingsvereistes

'n Kandidaat met 'n MA(Teologie) of gelykwaardige kwalifikasie met 'n minimum finale punt van 65% word na 'n bevredigende *colloquium doctum* met inagneming van die bepalinge van Algemene Regulasies G.1.3 G.45 en G.62 tot die studie vir die PhD-graad toegelaat. Met die oog op die *colloquium doctum* moet die kandidaat 'n eerste navorsingsvoorstel inlewer.

Eksamens en slaagvereistes

Eksamenregulasies van toepassing op doktorsgrade in die fakulteit

'n Doktorsgraad slegs aan 'n student toegeken indien voldoen word aan al die vereistes in fakulteitsregulasies neergelê: Op grond van 'n geëksamineerde proefskrif en 'n mondelinge eksamen. Die doktorsgraad word nie met lof toegeken nie.

Navorsing

Artikel vir publikasie

Tensy die Senaat op aanbeveling van die studieleier/promotor anders besluit, moet 'n student voor of gelyktydig met die indiening van die verhandeling ten minste een konsepartikel vir publikasie in 'n erkende akademiese joernaal, en, in die geval van 'n proefskrif, 'n bewys uitgereik deur 'n geakkrediteerde joernaal dat 'n artikel ingedien is, by die Hoof: Studenteadministrasie indien.

Die konsepartikel of die artikel wat ingedien is, na gelang van die geval, moet gebaseer wees op die navorsing wat die student vir die verhandeling/proefskrif gedoen het en moet deur die studieleier/promotor goedgekeur wees, indien die studieleier/promotor nie 'n medeskrywer is nie.

Die studieleier/promotor sal verantwoordelik wees daarvoor om toe te sien dat die artikel deur die prosesse van hersiening en hervorlegging gaan, soos nodig mag wees. Die toekenning van die graad kan onderhewig gestel word aan die nakoming van die voorskrifte van hierdie regulasie.



- i. Die student moet 'n proefskrif lewer van internasionaal vergelykbare standaard wat handel oor 'n onderwerp behorende tot die gebied van die Teologie en moet ook die proefskrif in die openbaar voor die Fakulteit verdedig.
- ii. Voornemende doktorale studente registreer vir Teologie Doktoraal Voorbereidend (Kode:06280002) indien so bepaal deur die Toelatings-komitee van die Nagraadse Komitee.
- iii. Die registrasietydperk vir Teologie Doktoraal Voorbereidend is maksimum een jaar, en die student moet in oorleg met die promotor, 'n substansiële navorsingsvoorstel voorberei. Indien dit tydens die proses nodig blyk te wees, kan die promotor addisionele materiaal van fundamentele aard (soos navorsingsmetodologie) wat vir die voorbereiding van die proefskrif onontbeerlik is, vir studie en formele assessering voorskryf.
- iv. Wanneer die assessering bevredigend afgehandel is en die navorsings-voorstel deur die departementshoof aanbeveel en deur die Navorsings- en Etiekkomitee van die Fakulteit Teologie goedgekeur is, word die student toegelaat om vir die betrokke doktorale program te registreer.

Algemene inligting

Registrasie vir nagraadse programme

1. Gelyktydige registrasie vir 'n tweede nagraadse program

Geen student word toegelaat om vir meer as een nagraadse program gelyktydig in te skryf nie, behalwe waar 'n student se bewese prestasieprofiel dit regverdig en dan ook met goedkeuring van die Dekaan. Die voortsetting van studie in die tweede nagraadse program is onderhewig aan gunstige vorderingsverslae deur die hoofde van departemente in die Fakulteit Teologie. Geen student word toegelaat om tydens die eksamen in die Fakulteit Teologie, ook eksamen vir die tweede nagraadse program in 'n ander fakulteit af te lê nie.

2. Hernuwing van registrasie

Studente van die Universiteit word geregistreer vir een studiejaar. Na die verstryking van die akademiese jaar, moet die student, indien hy of sy 'n student van die Universiteit wil bly, sy of haar registrasie hernu en ten opsigte van so 'n hernuwing die gelde betaal wat voorgeskryf word.

'n Student wat vir 'n nagraadse studieprogram registreer moet ononderbroke geregistreer wees. Indien 'n nagraadse student sy/haar studie onderbreek, is die student by hernuwing van registrasie aanspreeklik vir die volle onderriggelde van toepassing op die graadprogram.

Indien 'n student 'n nagraadse program onderbreek, en dit word nie binne vier jaar na oorspronklike registrasie hervat nie, behou die student nie krediete verwerf nie. Die student moet die geslaagde modules herhaal.

'n Student vir 'n honneursgraad moet sy of haar studie binne twee jaar voltooi, met dien verstande dat die Dekaan, op aanbeveling van die departementshoof, in buitengewone omstandighede 'n vasgestelde beperkte verlenging van die tydperk kan goedkeur.

Die magistergraad word slegs aan 'n student toegeken indien minstens een jaar verloop het nadat die kwalifikasies op grond waarvan toelating tot magisterstudie verkry is, verwerf is.

Die doktorsgraad word slegs aan 'n student toegeken indien minstens 12 maande verstryk het sedert registrasie vir die doktorsgraad aan die Universiteit, tensy 'n korter tydperk deur die dekaan goedgekeur word.

Behoudens ander fakulteitsregulasies moet 'n doktorale student sy of haar studies binne drie jaar na eerste registrasie vir die graad voltooi. In buitengewone omstandighede kan die dekaan op aanbeveling van die departementshoof, 'n vasgestelde beperkte verlenging van die tydperk goedkeur.



Kurrikulum: Jaar 1

Kernmodules

Proefskrif: Praktiese teologie: Jeugbediening 997 (PRT 997) - Krediete: 360.00



Kurrikulum: Jaar 2

Kernmodules

Proefskrif: Praktiese teologie: Jeugbediening 997 (PRT 997) - Krediete: 360.00



Kurrikulum: Finale jaar

Kernmodules

Proefskrif: Praktiese teologie: Jeugbediening 997 (PRT 997) - Krediete: 360.00

Die inligting wat hier verskyn, is onderhewig aan verandering en kan na die publikasie van hierdie inligting gewysig word.. Die [Algemene Regulasies \(G Regulasies\)](#) is op alle fakulteite van die Universiteit van Pretoria van toepassing. Dit word vereis dat elke student volkome vertrouwd met hierdie regulasies sowel as met die inligting vervat in die [Algemene Reëls](#) sal wees. Onkunde betreffende hierdie regulasies en reëls sal nie as 'n verskoning by oortreding daarvan aangebied kan word nie.